

有正味齋詞集

有正味齋外集卷一 目錄

錢塘 吳錫麒 聖徵

南北曲

北雙調

水仙子 歸興四闋

北中呂

喜春來 保梅

北雙調

沉醉東風 春日湖上二闋

南雙調

玉包肚 新柳

南南呂

掉角兒

吳興道中觀種秧者

北越調

小桃紅

松江

北雙調

折桂令

上海南園

北商角

河西六娘子

何春渚其所藏馬湘蘭硯屬題

北雙調

水仙子

題顧文媛燈下讀書圖

北中呂

滿庭芳

風雨自湖上歸

北黃鐘

人月圖 偶見

北中呂

普天樂 漁二闕

前題

南南呂

解三醒 寄心舟上人

南南呂

梧桐樹 梅村集中有戲題士女圖十二絕句因用其題各以南北曲譜之并屬友人徐君蘭坡仍繪其意以傳於世

一舸

南商調

黃鶯兒

虞兮

南中呂

駐馬聽

出塞

南南呂

一江風

歸國

又

解三醒

當壚

又

駐雲飛

墮樓

北中呂

普天樂

奔拂

又

謁金門

盜綃

北黃鐘

人月圓

取盒

北南呂

牧羊關

夢鞋

南中呂

滿庭芳

驪山

又

閱金經

蒲東

南仙呂

皐羅袍

杏花

又

桃化

北大石調

青杏子

春盡日

南越調

闕金經 句留處觀荷

北仙呂

一半兒

五闕 虎邱 南到開話

焦山

樓霞

秦淮

夏夜與葛廉山陸祁生上海

南正宮

醉太平

湖上看芙蓉

北越調

紫花兒序

野步

北雙調

折桂令

題畫壁

北正宮

醉太平

移居東園

北雙調

折桂令 述懷

南雙調

沉醉東風菖園

北正宮

叨叨令 遣雅

北雙調

折桂令

五闕 徐菊莊先生爲康熙戊午大科前輩其楓江漁父圖題者甚衆中有竹垞翁詩已刻入曝書亭集中後附折桂令五闕蓋竹翁自爲之故集中不言題其圖也辛未春徐山民待詔過杭訪余於東阜草堂出此圖爲題則竹翁作俱在焉因卽效其體爲之以爲繼聲則余不取

北仙呂

一半兒

六闕 題友人校書圖 西湖曉泛 楊花 晚鴉 埋安 梅雨

北仙呂

油葫蘆

北郭外觀菜花

北雙調

沉醉東風

題楊妃春睡圖

北正宮

墨漆弩

曉過嘉興

南中呂

駐馬聽

五闋 登金山

浮山禹廟

平山堂

康山

木蘭院

南仙呂

排歌

紅裙訪春

北雙調

撥不斷

詠蝶

折桂令

竹西寺小集

水仙子

友人餉蠟梅水仙山茶爲寒窗清供譜此酬之

北越調

小桃紅

遊鐵佛寺

有正味齋外集卷一

錢唐 吳錫麒 聖徵

南北曲

北雙調

水仙子

歸興

槐廳自愧抗顏師蓬苑曾叨問字知

余四與庶常分校

諸王亦荷分庭禮

凡侍直尚書房者見諸王惟一揖而已

只先生骨相奇算青瑣故物難離請圖作村夫

子去教些牛舍兒歸矣茅茨

前題

冬烘僅免主司憎

余兩分會試房考而未得與典試

春夢先催學士醒秋風今算歸

人準念

君恩報未曾顧頭顱雪樣堪驚便許踐湖山訂料難酬江水盟
陽羨休營

前題

孟宗筍已雪中萌潘岳輿能花下從茅容雞慣田間供喜高堂
顏更童報春暉此去從容蠲憂忿護堪種乞平安竹正濃此樂
誰同

前題

筍鞋繫可逐樵夫銅斗敲還聚釣徒權歌唱亦招漁父任相羊
裏外湖更知心結箇林逋伴明月梅花古舞蒼苔鶴影癡夢也
仙乎

北中呂

喜春來

探梅

溪山明滅煙微惹江路淒迷竹暗遮風橫雪密可來耶花放也
今日較寒些

北雙調

沉醉東風

春日湖上

乘油壁蘇娘宛在賣魚羹宋嫂重尋人爭殘醉扶花免餘寒噤
引東風吹動遙林芳草如煙畫不深有夕照泥金暗滲

前題

天然路催成香市總宜船喚起遨頭擡身釧響搖照眼釵光溜
問幾人合住紅樓淘盡銷金鍋裏愁只換得繁華似舊

南雙調

玉包肚

新柳

似煙凝悄料纔禁春風剪刀熨眉開陌上青描引絲長波心黃
醺十三年紀女兒嬌傳遞新愁過畫橋

南南呂

掉角兒

吳興道中觀插秧者

聽田謳水鄉最宜鳴秧鼓梅天新霽轉桑陰時看笠欹立草泥
不嫌腳膩這邊拋那邊接井字排鍼尖簇綠混東西風來暗長
雨來更肥嬌兒比一般田穉煞費栽培

北越調

小桃紅

松江

晚潮纔上客帆懸月影飛如練九點依稀髻鬟辨共沿河販鮮
船聚知魚賤鱸炊者邊莼擧那面歸計樂今年

北雙調

折桂令

上海南園

問老鶴何日歸來水冷雲荒滿地青苔蟹雨秋繁雞潮夜咽蜃
霧晨開拜石丈花間振袂禮星壇磬外更衣高閣凭看明月中
流申浦帆飛

北商角

河西六娘子

何春渚

琪

所藏馬湘蘭硯屬題

卷一
俠骨橫撐翰墨場都洗了粉暈脂香點池羞煞楊花樣竹也寫
瀟湘蘭也寫瀟湘記伴金陵馬四娘

北雙調

水仙子

題顧文媛燈下讀書圖

觀書合作小喬許問姓還猜眉子家披圖賽得仇英畫趁紗厨
燭影斜借青氈當了生涯仗霜毫洗卻煙花莫認作喬粧聲價
只前身的粉蠹猜他

北中呂

滿庭芳

風雨自湖上歸

山心未闌西風捲雨吹出青山條條水繞苔行慢腳下生寒乍

落葉者邊相趙更行雲那裏橫欄逢人罕芒鞋破傘候渡在前灣

北黃鐘

人月圓

偶見

月兒恁不和伊至偏弄竹枝枝影來能瘦聲來更悄閃入心兒
斜塘也住迴塘也住門徑依稀明朝去也花開花落夢也東
西

北中呂

普天樂

漁

占鱸鄉衝萍路喧喧滿湖煙裏如圖桃花沿渡訪荷葉掉船逋

日逐煙波忘辛苦到晚來明月尋吾橫橋泊初疎簾飭處幽火
文餘

前題

唱竹枝拍銅斗撈來橈頭挈鷺提鷗空灘經雪壓窄港慣風兜
笑得人間浮雲走但有魚換酒何愁楓林醉休蘆花被厚一覺
駒駒

南南呂

解三醒

寄心舟上人

沒理會收回布袋急奔波峭緊草鞋禪門衣鉢詩家派蘆嶽去
杼山來白雲裏衲黏難脫落葉隨筇撥卽開沙鍋在料無多米
汁有甚安排

南南呂

梧桐樹

梅村集中有戲題士女圖十二絕句因用其題各以
南北曲譜之并屬友人徐君蘭坡仍繪其意以傳於
世

一舸

西風吹白紵歌罷人何處莫道功成肯逐鴟夷去
算回頭只有煙波路吳苑千秋花也愁無主越客千
絲網也兜難住剩相思石上苔無數

南商調

黃鶯兒

虞兮

萬帳楚歌俱對青蛾意氣但罷鴻門走了烏江路歌公莫舞唱
公無渡酬知孰肯頭顱付濺春燕名花千古畱當美人呼

南中呂

駐馬聽

出塞

國色誰知何苦黃金賂畫師蛾睂易老玉關自遠青冢長迷琵琶彈出漢宮悲蟾蜍照見胡沙淚險被胭脂勒名溷了燕然字
南南呂

一江風

歸國

贖青蛾不惜黃金捨高義原非假恁還家漢月重逢慘慘悽悽
難對刀環話胡笳已歇他琵琶又換咱翻愧了明妃嫁

又

解三酲

當爐

著犢鼻風生一閤畫蛾眉翠隱雙峰酒旗搖曳春星動休誇是
數錢工賦成纔有千金賣歸去依然四壁空琴心送只茂陵秋
雨累箇愁儂

又

駐雲飛

墮樓

結了珠胎雙角山邊墮地來笛倚春風待花許蛾眉蹙綺宴
小樓開戰鼓休猜一片花飛還了齊奴債金谷人來賞綠苔

北中呂

普天樂

奔拂

布衣豪朱門
寵三生幸逢一笑情通窈窕堪憐子隄防莫惱公
縱使金魚能合縫已銀河閃出秋風杖策來從麝囊褪紫塵尾
留紅

又

謁金門

盜綃

門遙戟高那許盟花到君
葵信不比臣葵一夜苔陰悄繡戶如
招銀蠟猶燒恰蟾蜍圓滿了藍橋鵲橋喜不負郎君教

北黃鐘

人月圓

取盒

偏師竟仗紅顏赴七首不須汗兵消外宅具探內寢寒矣頭顱
波荒臺遠鐘鳴漏急夜景先圖月明歸也撲空一葉煙影糝
糊

北南呂

牧羊關

夢鞋

神仙眷美麗娃恁拋伊偏戀別家花薄命應該無情恁罷黃衫
空夢到紫玉付煙嗟枉畱教癡心在磕鞋兒占鬼卦

南中呂

滿庭芳

驪山

流雲忽逋秋星兩點照入花疎隔花隱隱聞私語天上歡娛駭
羯鼓漁洋響初感琵琶天寶彈餘招魂路黃昏古驛冷雨一鈴
呼

又

閱金經

蒲東

樂府相思曲姻緣撮合山夕陽人影看場還完夢醒草橋寒雙
文羨兒女話鐙前

南仙呂

阜羅袍

杏花

燕喜憑伊來報正嫩晴低襯碎錦徐飄狀元宮帽路人瞧尚書

詞筆春風開錫簫吹過新煙已消酒帘招否前村尚遙只愛一
肩香遞紅樓悄

又

桃花

綠漲一番晴後看天紅倒影春滿迴流重門人面見還羞仙源
世外逢原偶誰根誰葉迎來莫愁和脂和雪團成阿侯可比兒
家潭水情深否

北大石調

青杏子

春盡日

怎地又闌珊便斜陽欲挽都難只爭半晌愁無萬東風今夕綠
陰明日一樣欄干

南越調

閱金經

句畱處觀荷

紅洗花頭活香浮葉氣深尚嫌微暑隔簾侵陰夕陽沉半林持
甯飲十分涼到心

北仙呂

一半兒

虎邱

綺羅香簇錦輿濃時世粧爭兩鬢鬆畫舫會貪精婢逢羨吳儂
一半兒嬌嬌一半兒寵

焦山

蒙頭蘿薛影穆穆隱士雲深閤孰採忽聽海潮音出庵靜中參

一半兒風松一半兒梵

樓霞

碑殘拾宅涇苔生鐘磬聲沉古水鳴無復六朝僧有情佛冥冥
一半兒禪鑽一半兒佞

秦淮

板橋記惜舊人稀丁字簾無燕子歸盒子會誰花榜題剩青谿
一半兒斜陽一半兒水

夏夜與萬廉山陸祁生上海南園閒話

子虛烏有妄言之聽到涼燈欲殺時颯颯滿窗山葉飛逞新奇
一半兒談狐一半兒鬼

南正宮

醉太平

湖上看芙蓉

沿流淥水悠悠認淩波步到尚帶紅羞斜陽底事爲伊半晌句
畱迎眸道者般清豔最宜秋悔輕被老鷗消受天涯回首涉江
人在采采歸休

北越調

紫花兒序

野步

踏莎行芒鞋斜轉摸魚兒竹籬橫攔醉花陰石徑怯眠寒那不
就青山一帶先縛了黃篋三間清閒道商量畫稿絹曾簪移居
未晚只要等踐約鷗來作伴雪還

北雙調

折桂令

題畫蟹

撓迴塘半折寒葭幾輩蕭蕭歇了爬沙螯猶擁劍爪都迷樹眼
候煎茶笑饗餐先斟老瓦賸輪囷且快饞牙公子休誇一紙功
名黃甲誰家

北正宮

醉太平

移居東園

東臯生署號村夫子移居劃來水竹便畱吾已新編煙戶放生
社乞魚苗護鳴機坊許燈光助灌園人習菜傭呼好衣冠漸疎
北雙調

折桂令

述懷

得歸來歇了朝車隨意招呼只在煙霞裏製披寬草鞋縛峭簪
帽籠斜醉老瓦漁樵合局席明蟾鷗鷺分沙笈子誰划波痕一
道去訪蒹葭

南雙調

沉醉春風

葺園

移老竹醉還欲臥種垂楊舞亦常
傴僂穿壁縫強花亞籬根安
約萍開鏡影如磨
槭槭涼風振葉過
萍水面驚魚一箇

北正宮

叨叨令

遣瘧

遷延爲謁三醫誤禳除翻惹羣邪侮
陰陽渾似天公錯炎涼直

逼人惜苦炙殺人也歷哥噤殺人也歷哥恁不怕杜陵放出驚
天句

北雙調

折桂令

徐菊莊先生爲康熙戊午大科前輩其楓江漁父圖
題者甚衆中有竹垞翁詩已刻入曝書亭集中後附
折桂令五闕蓋竹翁自爲之故集中不言題其圖也
辛未春徐山民待詔過杭訪余於東臯草堂出此圖
屬題則竹翁作俱在焉因卽效其體爲之以爲繼聲
則余不敢

者分明前輩風流脫了朝衫卸下貂裘野水沿洄煙蓑落拓釣
竹幽修且莫說寒墀待漏再休聽深谷鳴騶楓葉催秋畫箇紅

衣作伴閒鷗

前題

向垂虹橋畔優游亭長頭銜權當封侯鷺拱鳬趨魚租菱稅竹
葆松旂傾老瓦醉來白酒臥蘆花穩過黃紬老去溫柔本事詩
成譜入漁謳

前題

問紅塵擾擾何求朱十詞來也訂歸休大布衣偕小長蘆住東
洞庭游纔博得五湖邂逅又遮教半邏句畱煙水前頭雨細風
斜兩箇扁舟

前題

算鵝鸞多少朋儔福命安排似此難求酒客江東高人甫里才
子瀛洲到今日神仙影畱羨當時富貴身抽水冷雲收笠屐相

蓬一笑千秋

前題

念

君恩只我難酬垂老哀駘竄跡林邱床要搢龜俸將割鶴耕待
租牛也贏得漁竿傳授好編成翰苑源流荻汊蘆洲一瓣靈香
熱在心頭

北仙呂

一半兒

題友人校書圖

蟲魚辛苦剔參差落葉紛紛埽不辭難燭但愁麗豎疲月斜移
一半兒塗黃一半兒墨

西湖曉泛

回峰醉塢傍煙支宋嫂魚羹出金遲西子曉粧臨鏡時放船齊
一半兒湖南一半兒北

楊花

簾旌繆繆失游紅窗網迷迷綴玉蟲雪樣不寒雲樣鬆冒東風
一半兒離情一半兒夢

晚鴉

斜陽隱隱鼓嚨胡歸陣匆匆尾畢逋潑墨滿天餘點巖響空虛
一半兒潮來一半兒雨

理安

溪流接笕岫盤雲竹木參差另一村衲子亦知生理勤趁餘春
一半兒分茶一半兒筍

梅雨

折釵股勁學殊難落墨花肥拭不乾壁氣染人苔樣寒面牆看
一半兒丹青一半兒欸

北仙呂

油葫蘆

北郭外觀菜花

紅過桃花雪一場驚吹來風更香坐圍野榼隔溪望布黃金界
出祇園廣涌黃雲顯得田屯旺鵝兒殼蛻新蜂兒翅搗忙但酒
波和著花光盪渾不信有斜陽

北雙調

沉醉東風

題楊妃春睡圖

鸚鵡舌罷教調弄荔支漿且莫傳宣迷迷蝶夢尋密密梨雲戀

鹿銜花有誰曾見便描得豐肌軟似綿怕纏臂的黃金壓匾

北正宮

黑漆弩

曉過嘉興

杉青牕近船來繫恰傍箇慣落帆的亭子一星星已蠟燈微隔
岸曉鐘催起似愁他細雨飛寒幾處紅樓深閉怕鴛鴦也撒胡
光要去趁那人夢裏

南中呂

駐馬聽

登金山

塔頂呼鈴斷渡風來不得行畫看小李帶問東坡泉品中冷講
經龍欲出波聽護禪鴿亦棲簷定晚閣誰凭幾船紅板看抽帆

影

浮山禹廟

雲氣模糊恍見羣靈左右趨蛟龍洞闕橘柚天圍山海圖摹飛
芻絡繹路通吳傳巴縹緲歌沿楚民不其魚狂瀾永砥功哉微
禹

平山堂

山眼青濃隔渡曾看宴醉翁分來明月傳過荷花畱得清風夕
陽簫鼓白鷗叢畫船煙水紅橋夢去惜匆匆泉興蜀井未叨僧
供

康山

如許繁華一簣偏容此客誇狀元名字才子文章豪士琵琶至
今花木又誰家慣逢絲竹談前話我正天涯白頭被酒恁堪歌

罷

木蘭院

一箸齏餐判甚闌
黎冷熱看雲翻愈薄
花發徒濃佛坐無言鐘
聲任打夕陽殘
紗籠幾被蛛絲換
香積煙寒春消講樹鳥啼人散

南仙呂

排歌

紅橋訪春

故燕偏遲新鶯亂飛
租船去去湖西一虹界處
畫圖移翠擁高頭紅接低
亭館合樓閣離金迷紙醉
夢何之歌吹繁燈火起衣香
人影幾多時

北雙調

撥不斷

詠蝶

撲春痕邊雲魂茶蘼架底棲煙穩綠草園中開日薰菜花村裏
描風緊粉圍香陣

折桂令

竹西寺小集

只年來歌吹消沉換了幽蛩能助清吟落葉行聽青苔坐藉明
月閒尋寺前有明月橋彌勒地僧寬酒禁兜率天佛證詩心簷蔔垂陰淨
洗繁華好盍朋簪

水仙子

友人餉蠟梅水仙山茶爲寒窗清供譜此酬之

老禪裹凍衲衣應仙子凌波素襪能女郎倚醉霞綃稱歲寒交

各自清謝殷勤糾合同盟擁磁斗的苔泥潤灌銅瓶的井水盈
伴殘年雪豔窗明

北越調

小桃紅

游鐵佛寺

寺爲五代楊
行密故宅

黑雲都已換棲鴉誰問楊花雪隱隱興亡塔鈴說誤僧伽殘灰
指作英雄劫冷雨沉沉沙陰風吹霎地剩一袈裟

有正味齋外集卷一終

有正味齋外集卷二目錄

錢塘 吳錫麒 聖徵

南北曲

南中呂

八月十八日秋濤宮觀潮

好事近

錦纏道

普天樂

榴花泣

古輪臺

尾聲

南雙調

題劉笛樓司馬漁莊春霽圖

步步嬌

醉扶歸

皐羅袍

好姐姐

尾聲

北仙呂

中元夕觀盂蘭會

點絳脣

混江龍

油葫蘆

天下樂

哪吒令

鵲踏枝

寄生草

賺煞

南中呂

王少林太守嵩高屬題令祖樓村先生十三本梅花書屋圖

好事近

山花子

馱環著

縷縷金

越恁好

駐馬聽

撲燈蛾

會河陽

菊花新

紅芍藥

駐雲飛

尾聲

又

題高樞泉浮香樓圖

石榴花

又

急板令

好事近

尾聲

北雙調

題郭頻伽摩羅芬館圖

新水令

駐馬聽

沉醉東風

折桂令

沽美酒

離亭晏帶歇伯煞

南商調

題張精厓聽香圖

集賢賓

貓兒墜

尾聲

北雙調

喜燕雅存自雲外歸

新水令

駐馬聽

喬牌兒

沉醉東風

風入松

滴滴金

雁兒落

得勝令

川撥棹

七弟兄

梅花酒

收江南

煞尾

南雙調

重九前二日味莊觀察邀遊石湖索填此曲以寓其勝

步步嬌

醉扶歸

阜羅袍

好姐姐

尾聲

北中呂

送李味莊觀察報恩赴都

粉蝶兒

聽高歌

紅繡鞋

古鮑老

賣花聲

啄木兒煞

北黃鍾

題趙渭川同年希璜梅夢圖

醉花陰

喜遷鶯

出隊子

刮地風

四門子

古水仙子

尾聲

南南呂

題劉松嵐五十二歲小像

香遍滿

懶畫眉

二如梧桐樹

浣溪紗

劉潑帽

秋夜月

東甌令

金蓮子

尾聲

南仙呂

袁穉庵名于令字韜玉以作西樓傳奇得名當官荊州守罷歸梅村詩所稱詞客開元擅盛名蕭條鶴髮可憐生者是也今其小像在袁綬階處屬題此曲

八聲甘州

不是路

解三醒

又

尾聲

有正味齋外集卷二

錢唐 吳錫麒 聖徵

南北曲

南中呂

八月十八日秋濤官觀潮

好事近

斜照送登樓拓開胸底清
秋千檣齊簇全教攏了沙洲颼颼閃
過空江風色墮涼雪先有飛鷗霎時間天容變也看青連大地
我亦如浮

錦纏道

者前頭似銀潢從空倒流斜界一條秋
修靈虵東奔西掣接著
難休響礧礧雷車礧驟高矗矗雪山飛
陡四面撼危樓漸離卻

樟亭赤岸一路的和沙折更道憑仗鴟夷勢水犀軍渾不怕婆
留

普天樂

羽林槍前驅走飲飛隊中權守折波濤顛到天吳逐風雲上下
陽侯青天溼透惹烏啼兔泣鼉憤龍愁

榴花泣

石榴花一聲彈指重見涌瓊樓湘女倚慮妃游神山縹緲數螺浮
首至四度匆匆羽葆霞旂泣顏回珠璣亂丟雜冰涎噴出龍公口猛淋侵
帕漬鮫鮓忒模糊錦浣魚油

古輪臺

問根由古來曾閱幾春秋却煩壽酒今番酹大江依舊呼吸神
通過了天長地久有甚難平一番息後但聽伊嗚咽過津頭歎

則歎茫茫宇宙也等閒消長如漚殘山剩水荷花桂子故宮回首寂寞付寒流看來去只銅駝無語鐵幃愁

尾聲

朝又夕春復秋能唱到風波定否怪不得回轉嚴灘總白頭

南雙調

題劉笛樓司馬漁莊春霽圖

步步嬌

莽風沙遮斷江湖路何處尋煙語畫裏儘流連一角漁莊白鷗分與厭了長官呼把鱸鄉權當頭衙署

醉扶歸

者邊是嫩尖尖早筍蘆新吐那邊是綠縹緲長條柳乍舒響冰嘶急溜放前沽曬斜陽破網攔橫浦只認道桃花畱住釣人居

卻費煞種花前度人辛苦

皐羅袍

長養就魚苗無數趁源頭水暖流出蒺藜此中原有活民書料
功名不被天隨誤行春來也枯田要蘇勸農歸也良苗要扶捲
煙波都化甘棠雨

好姐姐

歡呼東風一路簇擁著前歌後舞問紅衣畫出能識釣師無但
贏取鳴榔聲裏傳衙鼓縛荻燈邊理簿書

尾聲

間身乞得先歸去道蓑笠今番且讓吾當一箇候君前渡風標
鷺

北仙呂

中元夕觀盂蘭會

點絳脣

月影如波竹枝旛舞靈風過撾鼓吹螺送上毘盧座

混江龍

乍飄飄金蓮一朵吹來頂上結枝柯暗籠著香煙綠慘燭燄紅
甦魘地裏窸窣寒聲搖木葉一霎價離披黑影走風蘿上頭是
面燃鬼閃閃尸尸好一箇慣發婆心豪薛荔對坐的目連僧喃
喃喃咽算一箇修成苦行老頭陀高挂起赦罪牌儘阿鼻獄跂
腳蒙頭一齊放出明貼上祀孤榜縱鬼門關披枷帶鎖普例容
過見者山望那山怪金銀氣塞滿天邊哄一家兒瞎開盲爭忘
記了爺爺奶奶因前隊牽後隊訝酒肉場開張地下趕半路上
呼朋引類結識箇弟弟哥哥笑殺他逆祀行故鬼小新鬼大必

踐其位亦似那墀間祭東家來西家往又顧之他臨臯亭變相
圖開也難分地獄差別閻浮殿幽冥主在能照見世界婆娑無
論他文者相武者將鑾坡侍麟閣登但奉了攝魂符就和那馬
磨牛醫一樣做劉伯倫土裏饅頭餡任憑他飽得學使得才五
車貯八斗量自入了注死籍倒不如癡兒騃女免得喚蘇玉局
詩中春夢婆也有的估舶征檣可憐見瘴江邊誰收爾骨也有
的粉白黛綠沒奈何白楊下其歎也歌也有的醫卜星相冠著
述履著絢到盡頭時空博得史家方技傳也有的漁樵耕牧風
則蓑雨則笠問收稍處誰第上唐代隱淪科還有的道謗僧僧
謗道盼不著梯仙國選佛場饒你說法談禪那能殼塵殼外尋
些生活更有的貧又病病又貧送不去二豎災五窮虐熬得精
銷道竭只算在苦海裏打箇盤渦皮傀儡竿木逢場但有些真

性情也生且也淨末演得成忠孝節義悶葫蘆滴水不漏若遇
著大劫數爲蟲沙爲猿鶴逃不脫水火兵戈做了場蕉鹿夢蝴蝶
夢槐安夢邯鄲夢憑派在淨心經二十種眠擔怕擔驚誰喚
醒醉魄癡魂皈正覺數不盡黎邱鬼黃父鬼楓子鬼烏蠻鬼都
拉進鐵圍山三十六報食香食氣怎提得罪花焦種出閻羅糝
糊煞六道三塗渺渺茫茫人世但吟君不見厮趁著疎星淡月
來來往往今宵還問夜如何莫愁是轉輪迴終受翳桑餓請來
赴無遮大會要度盡如是恒河

油葫蘆

偏淨眼看來苦趣多愍沉淪待救拔則索得楊枝灑潤去沾他
他冷迷迷氣怯依螢火軟丟丟衣敗飄蟬蛻盼靈壇情怎通聽
酸文愁則那猛鈴語郎當搖一箇蕩魂兒帖地白煙拖

天下樂

記當初險說得阿難脫了窩魔也麼魔仗如來起願河把妙味
須陀煮一鍋撥醍醐灌頂多熟旃檀逆鼻過便救了無量的癰
骷髏起剎那

哪吒令

送蓬蓬雲過霧過寒陰一窩雜啾啾風哦雨哦度秋墳一歌換
場場人多哭多擲流光一梭香米山壓教饑餓炷紙錢風吹到
黃泉大剛湊著半空兒雨散曼陀

鵲踏枝

結手印降羣魔宣神咒徹支那則見傘蓋威蕤樓閣差我獻美
膳的城開護世進天樂的伎奏那羅

寄生草

苦苦憐飄墮忙忙事羯磨給資糧不惜將衣裏撒香花生怕從
風簸奏頻伽也要隨聲和直到了歎孤文幾首廣離騷纔算得
者場功德團圓大

賺煞

老蟾趨銀河墮聽了些前因後果道成佛生天爭甚麼那靈霄
官府原多那釋宮阿魔壞如何倒不如守著者一縷靈光永不
磨聽泉吟竹和任莎眠草坐便歸去也早有箇漆燈兒移亮慣
迎他

南中呂

王少林太守

嵩高

屬題令祖樓村先生十三本梅花書

屋圖

好事近

身世歎如泡只千古吟魂不消隔溪隱隱暗香招一枕游仙來
悄

山花子

翩然似有雲旗導行行軟踏青瑤趨虛空眉月已高把逋仙活
脫身描看吹過春風畫橋東邊冷豔脂析苞西邊綠萼煙透梢
潑眼花光遠近遮要

馱環著

乍相逢索笑乍相逢索笑雪骨冰肌月魄雲魂幾生修到第一
東風占了可似當年臚唱五雲中狀頭呼早論宿果前身應曉
說舊夢今番未杳洛神仿雁柱調便一十三株莫嫌花少

縷縷金

酥漉漉粉纈纈宜冬惟一味勝瓊膏休說充饑餅徒煩畫稿寒

香直沁到心苗花陰鶴同飽花陰鶴同飽

越恁好

幾時真箇幾時真箇鋤月種苔幻仗扶春妙手疎布影密抽梢
圈花暈蕊兼點椒望來齊縞真耶算停泊了孤山棹幻耶算圓
合了羅浮覺

駐馬聽

無數賢豪煞費登場健句鏖風花過眼雲水消痕雪泥融爪銀
杯化去本難招楚弓復得真難料多謝迴颺返魂香重薰到梅
花窖

撲燈蛾

魂仍夢裏招人來畫中叫回首軟紅飛認那番走東華道也天
上忙忙前事都杳賸餘酸一紙合還開道孫枝纔補了春來稿

展香陰便要將廣廈萬間包

會河陽

祖德相承官聲自高做黃堂辦到和羹料賢勞早樹滿春浮堂
開玉照願廝守著梅花老者是嫡派的清寒肯莫將那世味的
酸鹹較

菊花新

君不見白田風景久蕭條便喬木人家不姓喬經史課兒曹幸
不失青箱家教

紅芍藥

瞻前輩似斗與杓交賢嗣勝漆和膠倘石上三生湊緣巧道仙
壇落花甘埽明朝湖口泊輕僂拚書堂一尊醉倒聽花間翠羽
啾嘈認先生杖藜來了

駐雲飛

廣樂重霄不過人間夢一遭唱過華胥調領了希夷教際清福
半生消木天人老但借梅花印出花間照那知道賢孫守護牢
尾聲

功名自古休夸耀多少清門感寂寥誰似者不斷生香玉萬條
又

題高惺泉浮香樓圖

石榴花

松園竹拱無路許舟通沿岸曲掠磯東逡巡有箇舊鷗逢導行
行荻汶蘆叢煙重水重一條穿入溪雲縫見疎疎幾葉漁篷露
蕭蕭幾座花宮

又

螢飄蠹迸剩者小樓空隨落日候東風巡簷畧見數椒紅記當時玉軟酥融香濃酒濃把詩人高向花頭擁照欄干月也溶溶掩窓紗霧也濛濛

急板令

恁銷磨吟翁醉翁任流連樵童牧童蒼苔暗封過一番翠羽匆匆捲連朝秋雪蓬蓬只畱下落葉裁箋流水調桐誰吹笛喚醒春風重唱徹玉玲瓏

好事近

祖德述難窮暖青山氣脈旋通玉鱗飛起今朝要舞回風從容待設寒泉清供好交代茅屋家風還防是和羹借重只修成高格一味宜冬

尾聲

西溪近已無梅種便圖畫也飄清夢道難得者黃篋三間雪裏
濃

北雙調

題郭頻伽

磨

靈芬館圖

新水令

水三分圍住屋清清更修篁二分光景墻頭蒙薜荔戶外插柴
荆畫上丹青早換了白眉生舊二徑

駐馬聽

你料理林扃分水湖邊移宅定你安排釣艇梅花寺口試篙輕
簪頭簇向樹梢明紅衣換得楓人醒煙波興儘漁歌立在門兒
聽

沉醉東風

者一帶畱客遲敲茶正清那一帶看花蹊種石新成者一帶糟
邱臥畢卓瓶那一帶畫叉挂燕家景讓伊家受用今生況有胸
中萬卷撐可不是神仙福命

折桂令

數當年先輩遺型有一箇白犢逍遙來往前涇也有那傳神的
盛子昭畫竹的吳元鎮還有那要下馬的魏家塋殿松光白雲
飄影移草腳野露流聲但見鶴下虛垌鷗在荒汀可眞箇買了
青山可眞箇築了茅亭

沽美酒

歎蒙頭白髮生悔覓食朱門冷回腸轉轉饑人甌者根出猛省
纔知道乞到草堂靈

離亭晏帶歇伯煞

尋詩合向煙霞訂填詞要守宮商正得閒時且敘閒情酒錢付
便了沽雞柵喚宗文樹漁具待樵青整漉香羹蓴絲雉尾紫配
左手蠍味團臍勝料多情恁生忍俊從今後也莫跨灞橋驢也
莫策東華馬也莫掉青溪艇胸非有萬間志要營一頃問誰人
草堂賢寄了杜陵道此間有箇塾巾人在者偕大的靈芸館中
等

南商調

題張晴厓聽香圖

集賢賓

氤氳滿簾何處尋倏瞻蜍照入花深伴箇畫眉人未寢儘霏霏
鼻觀微侵心頭暗沁偏要待耳根詳審關心甚恰病風纖手釧
響搖金

貓兒墜

當年盾鼻磨過幾光陰
賸好句弓衣唱到今
重摹寶字書雙心
沉吟記得擣秋砧
催回夢枕

尾聲

染衣合共天香品
問何日修書聽到漏聲沉
怕只怕半臂愁添
寒夜恁

北雙調

喜洪稚存自塞外歸

新水令

驀金雞放赦下銅樓感

皇恩莫名高厚墨纔磨盾鼻環已驗刀頭
萬里歸休好重認茅茨舊

駐馬聽

昔日旃裘雪打蒙茸寒欲透今朝楊柳風搖旖旎態逾柔從軍
來分戴吾頭破荒去恁關渠口壓還裝詩萬首聲聲噤住秋笳
奏

喬牌兒

憶當初貫索收誰拚得萬義救殺之三幸賴
堯能宥荷戈去自抖擻

沉醉東風

問疏勒飛泉倒流望祁連素氣空浮雲搏太古濃日陷奇寒瘦
莽書生窮塞也風流只栩栩猜伊蝶夢遊却不道雪片和身捲
驟

風入松

尚觚棱盼著屢回頭肝膽幾生酬枉衣穿短後逡巡走指望是
挽天河淨洗兵休隔著秦關蜀隴不知戰骨如邱

滴滴金

只聽說鴈攪羝飛風吹牛墮雷和龍鬬眼未見筆先收但神異
經添變相圖摹諾臯志就何曾放些兒喜懼在心頭

雁兒落

怕則是旌旗毳帳稠笳鼓轅門驟直壓得小林牙意氣低越顯
出大都護威風陡

得勝令

訝負弩在前頭跨馬幾時休算年來身慣冰霜鍊到者裏魂還
湯火遊名流能驚魑魅蒼黃走纍囚安望將軍禮數優

川撥棹

驚地裏白鳥頭論時光葛替裘端只爲赤旱災流得邀蒙

丹詔恩優風送悠悠雲助油油願真個爲霖試手得成就了大

田秋

七弟兄

者邊的情話重留那邊的新詩要酬羨此去勝仙遊召賈生竟
脫長沙走放滴仙得免夜郎流送髯蘇恰就毘陵酒

梅花酒

兀得不淚滂流折檻幾曾修補牘還又留只狂愚挫汝一丟丟
到生入玉關人似舊況逢著烽煙消歇太平秋罷輸輓脫兜鍪
習漁釣事耕疇但聽那斜陽牧笛唱田謳再休道騎馬勝騎牛

收江南

你文章已被外夷收你遨遊直到海西休你聲名更有汗青留

算如今許松楸厮守纔無負了機聲燈影讀書樓

煞尾

君恩似此真希有合丹青傳與千秋只送行還有故人畱要添
寫幾筆可憐關外柳

南雙調

重九前二日味莊觀察邀遊石湖索填此曲以寫其勝
步步嬌

放新晴纔破青山笑來喚沙鷗導行行蕩畫橈酒琰茶爐配就
詩中料聽說是登高早西風吹側烏紗帽

醉扶歸

最羨是賜煙波逃脫金鑾石最樂是賦田園隨著白雲招面楞
伽聽唱竹間樵轉橫塘看理蘆中釣林泉果要福能消願今朝

來領先生教

阜羅袍

呼作遨頭也好且題糕故事預借今朝脫紅衣免了畫圖描引
清尊避了箏琶鬧丹黃小筆千稍萬稍玲瓏水調長謠短謠怕
重來又是秋容老

好姐姐

儘盈盈金波盪搖拌沉沉玉山摧倒茱萸醉插未肯放歸舸斜
陽早濃遮紅葉樓三面冷浸黃花徑一條

尾聲

長官如此清應少只相約菰蒲句共敲道不怕催租人到了
北中呂

送李味莊觀察報最赴都

粉蝶兒

六載春風覆茅檐甘棠陰重慕今朝催趲花驄曳旌旗腰弓弩
前驅先動白叟黃童問歸期馬頭爭擁

聽高歌

喜則喜清秋恰報年豐趁稻把堆場香重無煩笳吹喧高壠聽
一路的田歌相送

紅繡鞋

笑我者烏紗沒用拚今番漉酒追從醉倚黃花一帽風衝開煙
漠漠趕上月朧朧也續箇軟紅香夢

古鮑老

算此去橋經玉竦定記得並轡斜陽看禁松算此去樓過丹鳳
定記得同立清霜候苑鐘到今日蓑袂短笠簷歪難陪奉但相

盼暮油明使竹雄阜博得

天顏喜動展恩光照耀了江南歸鞚

賣花聲

煩寄語同朝鸛侶須珍重好配合鹽梅一氣同把蒼生提出火
坑中埽清巴蜀干戈不用便田間也願獻幾首太平歌頌

啄木兒煞

洗金罍進玉鍾要殘年重約消寒共莫說是停風阻凍直挨到
蜜梅花放欠詩筒

北黃鍾

題趙渭川同年

希璜

梅夢圖

醉花陰

送上蟾蜍隔花鞦又暗被花枝掠破環尚缺鏡誰磨著甚來由

等到黃昏過檢一塊軟青苔且尋箇羅浮夢兒做

喜遷鶯

前頭村大認酒帘三尺橫拖來麼開穰穰壚頭請坐只一霎沉
醉春風面已酡閃身上香陰瞥過拚化作翩翩蝴蝶趕上銀
河

出隊子

虛空婀娜訝天生者俊娥喬粧得全身縞素雪般按出落得絕
世丰姿玉樣磨恁驀地和雲同撇躲

刮地風

莫不是仙洞衙城安置安莫不是神女峽故隔嵯峨捉迷藏占
了梅花課須明白者段根著他忍寂寞竹籬關鎖他耐清寒紙
帳延俄到底來花非花夢非夢幾箇真箇空則是翠翹垂羅袖

曳幘引教睡眠摩挲笑幾生脩到還如我只雪滿花頭萬樹皤
四門子

好風光轉眼匆匆過去還來離又合也走了邯鄲也到了南柯
早一場喚醒春夢婆禽兒也歸蟾兒也趁賸老鶴花陰同臥

古水仙子

憶憶憶舊薜蘿念念念種花蹊三間老屋破走走走跨上箇踏
雲騾搖搖搖放一隻尋煙舸閒閒閒仙人舄免得張羅罷罷罷
萬民碑一齊打破和漁謳唱到定風波學僧裝打了新包裹甚
畫中偏戀暗香窩

尾聲

一夢古今提不破休說者姓趙的太風魔道有箇老師雄先替
我

南南呂

題劉松嵐五十二歲小像

香遍滿

鬚眉依舊燕臺別君春又秋那料蕪城重聚首牡丹紅起樓楊
花雪作毬東風容易愁莫放過韶光脆

懶畫眉

年華半百付波流漸有雙華白上頭正須行樂及時謀縱然件
件丹青湊也要我者饒舌豐干說一周

二妃梧桐樹

那書阿

梧桐樹

曹倉萬卷搜鄴架千編授冷齋前身孔孔鑽能透

鐵線箱

算十年辛苦丹鉛手只挂腹撐腸願待酬五更喜今日春

明善本抄全有落葉黃昏判與箇青燈廝守

浣溪紗

那美人阿綵袖拖金釵
溜挂臣冠常自香畱吳孌軟語聽須又
陶令閒情懣又兜珠幾斗買他箇心兒頭肯真實不虛教月鏡
懸樓

劉潑帽

那劍阿雨風聽作蛟龍吼
到朝來拂拭吳鉤記曾在徐君墳上
挂松楸濕漉漉心血酬直驚得白日沉妖魑走

秋夜月

那酒阿糟一邱哄動了流涎口
蓮臺米汁親傳授長齋繡佛休
孤負聽呼伊紅友莫化成烏有

東甌令

念君家邊關月塞垣秋算只有甘棠一種畱
心中那管閒花柳

到者裏須消受儘說伊蛟門三好擅風流合輪與前度種花劉
金蓮子

憑逗遛道東山女妓蒼生舊只休把英雄氣收救瘡痍要商量
魯論孰從頭

尾聲

玉節馳花驄走此身原是濟川舟早博得五十功名賽馬周

南仙呂

袁擇庵名于令字韜玉以作西樓傳奇得名嘗官荊州
守罷歸梅村詩所稱詞客開元擅盛名蕭條鶴髮可憐
生者是也今其小像在袁綬階處屬題此曲

八聲甘州

飄然舊影認烏巾朱鳥意態縱橫幾場歌酒險把光陰送盡要

豎紅字綢繆約爲洗青樓薄倖名揚州夢畱伊杜牧三生

不是路

鍊甲霜清誰逼輪蹄出塞行添豪興燭圍貂帳坐書生檄揮成
激邊風吹起梁州笛便賽了中原十萬兵煙臺等道眼光已注
燕然頂待畱名姓待畱名姓

解三醒

醉燕市騰騰酒醒盪湘波摺摺帆輕回頭往事秦淮冷誰唱到
楚江情章臺人去笙歌歇夏口煙迷橘柚平賸何處琵琶送客
淚染衫青

又

曲當場烏紗句併語傳嬌驢背伶仃餘聲譜出風波定漸白髮
可憐生天寶客逢聊共話廣陵散絕孰重聽只西樓幾枝新柳

有正味齋外集卷二
愁嘯春鶯

尾聲

邗溝賸有潮堪聽
休更戀二分
子與同行
算落得畫裏荊州
慰此生

有正味齋外集卷二終